

U skladu sa članovima 52. i 53. Poslovnika o radu Regulatorne komisije za električnu energiju u Federaciji Bosne i Hercegovine („Službene novine Federacije BiH“ broj 59/04) i članom 45. Pravilnika o javnim raspravama i rješavanju zahtjeva i žalbi Regulatorne komisije za električnu energiju u Federaciji Bosne i Hercegovine („Službene novine Federacije BiH“ broj 37/05), Regulatorna komisija za električnu energiju u Federaciji Bosne i Hercegovine - FERK

## OBAVJEŠTAVA JAVNOST

### O provođenju trećeg i četvrtog tarifnog postupka za JP „Elektroprivreda HZ HB“ d.d. Mostar i održavanju formalnih rasprava

FERK je 05.11.2009. godine donio Odluku o provođenju četvrtog tarifnog postupka broj 01-07-1311-02/09, kojom je pokrenuo, na svoju inicijativu četvrti tarifni postupak za JP „Elektroprivreda HZ HB“ d.d. Mostar i to radi utvrđivanja potrebnog prihoda za djelatnost snabdijevanja električnom energijom I reda (nekvalifikovani (tarifni) kupci), a na godišnjem nivou, uključujući i trošak nabavke električne energije za potrebe nekvalifikovanih (tarifnih) kupaca, te kojom je odredio da je rok za podnošenje dokumenata od strane JP „Elektroprivreda HZ HB“ d.d. Mostar, potrebnih za provođenje četvrtog tarifnog postupka 07.12.2009. godine.

Kako u navedenom roku JP „Elektroprivreda HZ HB“ d.d. Mostar nije dostavila dokumente potrebne za provođenje četvrtog tarifnog postupka, FERK je istoj uputio Zahtjev za informacijama broj 01-07-1311-05/09 od 16.12.2009. godine, navodeći da je potrebno da ista u roku od osam dana od dana prijema tog zahtjeva za informacijama dostavi zahtjevane podatke za djelatnost snabdijevanja električnom energijom I reda na način kako je propisano članom 4. Odluke o provođenju četvrtog tarifnog postupka broj 01-07-1311-02/09 od 05.11.2009. godine.

U skladu sa navedenim, te u skladu sa Odlukom o određivanju bazne godine kod pokretanja tarifnih postupaka („Službene novine Federacije BiH“ broj 70/06), dana 23.12.2009. godine, FERK je od strane JP „Elektroprivreda HZ HB“ d.d. Mostar primio dio dokumenata potrebnih za provođenje četvrtog tarifnog postupka primljenih pod brojem 01-07-1311-06/09.

Takođe, na osnovu člana 52. stava (1) Pravilnika za tarifnu metodologiju i tarifne postupke, a u skladu sa Odlukom o određivanju bazne godine kod pokretanja tarifnih postupaka („Službene novine Federacije BiH“ broj 70/06), istog dana, odnosno 23.12.2009. godine, FERK je od strane JP „Elektroprivreda HZ HB“ d.d. Mostar primio i:

- Zahtjev za odobrenje tarifa za djelatnost proizvodnje električne energije, primljen pod brojem 07-02-1592/25/09 i
- Zahtjev za odobrenje tarifa za djelatnost distribucije električne energije, primljen pod brojem 07-02-1593/26/09.

## **JP „Elektroprivreda HZ HB“ d.d. Mostar**

Javno poduzeće „Elektroprivreda Hrvatske zajednice Herceg Bosne“ dioničko društvo Mostar je javno preduzeće, koje je registrovano za obavljanje djelatnosti proizvodnje i distribucije električne energije, snabdijevanja električnom energijom, te djelatnosti trgovine, zastupanja i posredovanja električnom energijom na domaćem tržištu električne energije.

### **Prijem i obrada dokumentacije potrebne za provođenje tarifnih postupaka**

FERK je pregledao dokumentaciju dostavljenu dana 23.12.2009. godine pod brojem 01-07-1311-06/09, radi utvrđivanja tarifa za djelatnost snabdijevanja električnom energijom I reda, uključujući i trošak nabavke električne energije za potrebe nekvalifikovanih (tarifnih) kupaca i utvrdio da ista ne sadrži sve potrebne podatke i informacije propisane Odlukom o provođenju četvrtog tarifnog postupka broj 01-07-1311-02/09 od 05.11.2009. godine i Prilogom 2. Pravilnika za tarifnu metodologiju i tarifne postupke.

U skladu sa članom 81. Pravilnika o javnim raspravama i rješavanju zahtjeva i žalbi FERK-a, te članom 9. stavom (5) i članom 63. Pravilnika za tarifnu metodologiju i tarifne postupke, FERK je JP „Elektroprivreda HZ HB“ d.d. Mostar uputio Zahtjev za informacijama broj 01-07-1311-09/09, od 22.01.2010. godine, kojim je tražio od JP „Elektroprivreda HZ HB“ d.d. Mostar da dostavljenu dokumentaciju dopuni potrebnim podacima i informacijama u roku od osam dana od dana prijema tog zahtjeva.

Povodom navedenog Zahtjeva za informacijama, FERK je od JP „Elektroprivreda HZ HB“ d.d. Mostar dana 01.02.2010. godine primio pod brojem 01-07-1311-11/09 dio tražene dokumentacije, podataka i informacija. JP „Elektroprivreda HZ HB“ d.d. Mostar je dio tražene dokumentacije, podataka i informacija dostavilo i naknadno pod brojem 01-07-1311-12/09 dana 08.02.2010. godine, te dana 12.02.2010. godine pod brojem 01-07-1311-14/09.

Postupajući po članu 52. Pravilnika za tarifnu metodologiju i tarifne postupke, FERK je pregledao i Zahtjev za odobrenje tarifa za djelatnost proizvodnje električne energije broj 07-02-1592/25/09 i Zahtjev za odobrenje tarifa za djelatnost distribucije električne energije broj 07-02-1593/26/09, podnesene dana 23.12.2009. godine od strane JP „Elektroprivreda HZ HB“ d.d. Mostar, te utvrdio da isti ne sadrže sve potrebne podatke i dokumente propisane Pravilnikom za tarifnu metodologiju i tarifne postupke.

Na osnovu navedenog, FERK je podnosiocu zahtjeva, odnosno JP „Elektroprivreda HZ HB“ d.d. Mostar, uputio Obavještenje o nedostacima podnesenih zahtjeva za odobrenje tarifa u djelatnostima proizvodnje i distribucije električne energije broj 07-02-1592-02/25/09 i 07-02-1593-02/26/09 od 22.01.2010. godine, kojim je tražio od podnosioca zahtjeva da zahtjeve dopuni potrebnim podacima i dokumentima, u roku od osam dana od dana prijema tog obavještenja.

Povodom navedenog obavještenja o nedostacima podnesenih zahtjeva, FERK je od podnosioca zahtjeva dana 01.02.2010. godine primio pod brojem 07-02-1592-03/25/09 i 07-02-1593-03/26/09 dio tražene dokumentacije i podataka. Podnosilac zahtjeva je dio

tražene dokumentacije i podataka dostavio i naknadno uz Dopis primljen pod brojem 07-02-1592-04/25/09 i 07-02-1593-04/26/09 od 08.02.2010. godine, te uz Dopis primljen pod brojem 07-02-1592-06/25/09 i 07-02-1593-06/26/09 od 12.2.2010. godine.

U povodu Zahtjeva za odobrenje tarifa za djelatnost proizvodnje električne energije broj 07-02-1592/25/09 i Zahtjeva za odobrenje tarifa za djelatnost distribucije električne energije broj 07-02-1593/26/09, podnesenih dana 23.12.2009. godine od strane JP „Elektroprivreda HZ HB“ d.d. Mostar, FERK je donio Odluku o provođenju trećeg tarifnog postupka broj 07-02-1592-07/25/09 i 07-02-1593-07/26/09 od 24.02.2010. godine.

Zajedno s ostalom dokumentacijom potrebnom za provođenje trećeg i četvrtog tarifnog postupka, 23.12.2009. godine, JP „Elektroprivreda HZ HB“ d.d. Mostar je dostavilo FERK-u prijedlog Tarifnih stavova za prodaju električne energije tarifnim kupcima s datumom primjene od 01.01.2010. godine.

U skladu sa članom 9. Pravilnika za tarifnu metodologiju i tarifne postupke, FERK će nastaviti četvrti tarifni postupak, koji je pokrenuo na svoju inicijativu, kao i treći tarifni postupak po Zahtjevu za odobrenje tarifa za djelatnost proizvodnje električne energije i po Zahtjevu za odobrenje tarifa za djelatnost distribucije električne energije, koje je JP „Elektroprivreda HZ HB“ d.d. Mostar podnijelo. FERK će navedene tarifne postupke nastaviti na osnovu podataka koje je dostavilo JP „Elektroprivreda HZ HB“ d.d. Mostar, a na dostavljanju sve tražene, a nedostajuće dokumentacije, podataka i informacija, FERK će insistirati tokom tarifnog postupka, te može zahtijevati od JP „Elektroprivreda HZ HB“ d.d. Mostar dostavljanje procjene istih, s tim da FERK zadržava i pravo vlastite procjene istih, a sve u skladu sa Pravilnikom za tarifnu metodologiju i tarifne postupke.

### **Osnovni elementi dostavljene dokumentacije**

Podaci i informacije sadržani u dostavljenoj dokumentaciji JP „Elektroprivreda HZ HB“ d.d. Mostar zasnivaju se, u skladu sa odredbama Odluke o određivanju bazne godine kod pokretanja tarifnih postupaka broj 07-07-954-04/06 od 10.11.2006. godine, na rashodima iz redovne poslovne aktivnosti u 2008. godini, podešenim na parametre planirane poslovne aktivnosti za 2010. godinu. Podaci koji se navode u tabeli u nastavku preuzeti su iz dostavljene dokumentacije od strane JP „Elektroprivreda HZ HB“ d.d. Mostar, bez ikakvih podešavanja, komentara ili kvalifikacija od strane FERK-a.

Predloženi tarifni stavovi za 2010. godinu od strane JP „Elektroprivreda HZ HB“ d.d. Mostar:

Varijanta I povećanje 3%:

TARIFNI STAVOVI ZA NEKVALIFIKOVANE (TARIFNE) KUPCE - VARIJANTA I												
TARIFNI ELEMENTI	JEDINICA MJERE	SEZONSKI	DNEVNI	VISOKI NAPON	SREDNJI NAPON		NISKI NAPON					JAVNA RASVJETA
				110 kV	35 kV	10 kV	DOMAĆINSTVA		OSTALA POTROŠNJA			
							I t.g.	II t.g.	I t.g.	II t.g.	III t.g.	
0	1	2	3	4	5	6	7	8	9	10	11	12
MJERNO MJESTO KUPCA	KM	-	-	20,00	20,00	20,00	1,90	1,90	20,00	5,20	5,20	1,90
OBRAČUNSKA SNAGA	KM/kW/mjesec	VIŠI	-	27,25	26,56	31,12	6,77	6,77	21,55	21,55	21,55	1,77
		NIŽI	-	20,96	20,44	23,94	5,20	5,20	16,57	16,57	16,57	1,36
AKTIVNA ENERGIJA	pf/kWh	VIŠI	VEĆI	10,54	10,99	13,46	13,72	17,15	20,92	30,09	24,07	21,45
			MANJI	5,27	5,49	6,74	0,00	8,58	10,45	15,05	0,00	0,00
		NIŽI	VEĆI	8,11	8,46	10,36	10,56	13,19	16,09	23,14	18,52	16,50
			MANJI	4,06	4,22	5,18	0,00	6,59	8,04	11,58	0,00	0,00
PREKOMJERNO PREUZETA JALOVA ENERGIJA	pf/kVArh	-	-	0,979	2,20	2,76	0,00	0,00	3,32	0,00	0,00	0,00

Varijanta II povećanje 5%:

TARIFNI STAVOVI ZA NEKVALIFIKOVANE (TARIFNE) KUPCE - VARIJANTA II												
TARIFNI ELEMENTI	JEDINICA MJERE	SEZONSKI	DNEVNI	VISOKI NAPON	SREDNJI NAPON		NISKI NAPON					JAVNA RASVJETA
				110 kV	35 kV	10 kV	DOMAĆINSTVA		OSTALA POTROŠNJA			
							I t.g.	II t.g.	I t.g.	II t.g.	III t.g.	
0	1	2	3	4	5	6	7	8	9	10	11	12
MJERNO MJESTO KUPCA	KM	-	-	20,00	20,00	20,00	1,90	1,90	20,00	5,20	5,20	1,90
OBRAČUNSKA SNAGA	KM/kW/mjesec	VIŠI	-	27,78	27,08	31,72	6,90	6,90	21,97	21,97	21,97	1,81
		NIŽI	-	21,37	20,83	24,40	5,30	5,30	16,89	16,89	16,89	1,39
AKTIVNA ENERGIJA	pf/kWh	VIŠI	VEĆI	10,74	11,20	13,72	13,99	17,48	21,33	30,67	24,54	21,87
			MANJI	5,38	5,60	6,87	0,00	8,75	10,66	15,34	0,00	0,00
		NIŽI	VEĆI	8,26	8,62	10,56	10,76	13,45	16,40	23,59	18,88	16,82
			MANJI	4,14	4,31	5,28	0,00	6,72	8,20	11,80	0,00	0,00
PREKOMJERNO PREUZETA JALOVA ENERGIJA	pf/kVArh	-	-	0,999	2,25	2,81	0,00	0,00	3,38	0,00	0,00	0,00

## Formalne rasprave

U skladu sa članom 44. stavom (1) tačka a) i tačka b) Pravilnika o javnim raspravama i rješavanju zahtjeva i žalbi Regulatorne komisije za električnu energiju u Federaciji Bosne i Hercegovine („Službene novine Federacije BiH“ broj 37/05), Odlukom o provođenju četvrtog tarifnog postupka broj 01-07-1311-02/09 od 05.11.2009. godine (na inicijativu FERK-a), te Odlukom o provođenju trećeg tarifnog postupka broj 07-02-1592-07/25/09 i 07-02-1593-07/26/09 od 24.02.2010. godine (po podnesenim zahtjevima za odobrenje tarifa), započeli su postupci formalnih rasprava. Postupci formalnih rasprava provešće se u skladu sa odredbama Pravilnika o javnim raspravama i rješavanju zahtjeva i žalbi FERK-a. Formalne rasprave u trećem tarifnom postupku pokrenutom po Zahtjevu za odobrenje tarifa za djelatnost proizvodnje električne energije i po Zahtjevu za odobrenje tarifa za djelatnost distribucije električne energije, koje je JP „Elektroprivreda HZ HB“ d.d. Mostar podnijela, kao i formalna rasprava u četvrtom tarifnom postupku pokrenutom na inicijativu FERK-a, radi utvrđivanja tarifa za djelatnost snabdijevanja električnom energijom I reda, uključujući i trošak nabavke električne energije za potrebe nekvalifikovanih (tarifnih) kupaca, te formalna rasprava o prijedlogu tarifnih stavova JP „Elektroprivreda HZ HB“ d.d. Mostar, koje je isto dostavilo uz dokumentaciju potrebnu za provođenje trećeg i četvrtog tarifnog postupka, planiraju se održati u prostorijama FERK-a, na adresi Blajburških žrtava br. 33, Mostar, prema sljedećem rasporedu:

Predmet formalne rasprave	Datum i vrijeme formalne rasprave
Proizvodnja električne energije	15. i 16.04. 2010. u 9:00 sati
Distribucija električne energije	22. i 23.04. 2010. u 9:00 sati
Snabdijevanje električnom energijom I reda, uključujući i trošak nabavke električne energije za potrebe nekvalifikovanih (tarifnih) kupaca	26. i 27.04. 2010. u 9:00 sati
Tarifni stavovi	28. i 29.04. 2010. u 9:00 sati

## Kriteriji za sticanje statusa umješaća

Zahtjev za sticanje statusa umješaća u postupku formalne rasprave radi odobrenja tarifa za djelatnost proizvodnje električne energije i/ili radi odobrenja tarifa za djelatnost distribucije električne energije i/ili radi utvrđivanja tarifa za djelatnost snabdijevanja električnom energijom I reda, uključujući i trošak nabavke električne energije za potrebe nekvalifikovanih (tarifnih) kupaca i/ili po prijedlogu tarifnih stavova, može uputiti lice koje ima direktan interes u postupku u vezi kojeg podnosi zahtjev za sticanje statusa umješaća, a

koji je različit od općeg javnog interesa i koje raspolaže podacima i činjenicama od značaja za formalnu raspravu u trećem i/ili četvrtom tarifnom postupku koji se vodi pred FERK-om. Zahtjev za sticanje statusa umješača treba sadržavati osnovne podatke o licu koje traži status umješača, kao i činjenice i dokaze kako to lice ima direktan interes za učestvovanje u postupku.

Zahtjev za sticanje statusa umješača podnosi se do **09.03.2010. godine do 12:00 sati** na adresu FERK-a. FERK odlučuje da li je u zahtjevu za sticanje statusa umješača dokazan direktan interes i da li su navedeni podaci i činjenice od značaja za formalnu raspravu u trećem ili četvrtom tarifnom postupku u svakom pojedinačnom slučaju.

### Javnost postupka

Na formalnim raspravama prisutnost javnosti je dobrodošla, ali u istim mogu učestvovati zaposlenici FERK-a, JP „Elektroprivreda HZ HB“ d.d. Mostar i umješači.

Druga zainteresovana lica mogu podnijeti pisane komentare na dostavljenu dokumentaciju JP „Elektroprivreda HZ HB“ d.d. Mostar **do 09.03.2010. godine do 12:00 sati** na adresu FERK-a.

Informacije o dostavljenoj dokumentaciji, osim o dokumentima koji su označeni kao povjerljivi, zainteresovana lica mogu dobiti, uz prethodnu najavu, u sjedištu FERK-a na protokolu, Blajburških žrtava br. 33 u Mostaru. Svoje pisane komentare zainteresovana lica mogu dostaviti FERK-u na gornju adresu ili putem faksa: 036/333 507, 036/333 508, odnosno putem elektronske adrese [kontakt@ferk.ba](mailto:kontakt@ferk.ba).